

Tunillaassortumik nappaalasoqalernerani atuarfiit paaqqinnittarfillu atugaat pillugit Namminersorlutik Oqartussat nalunaarutaat

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-imeersumi § 22 naapertorlugu aalajangersarneqarpoq:

Atuuffi

§ 1. Nalunaarummi matumani tunillaassortumik nappaalasoqalernerani atuarfiit paaqqinnittarfillu atugaat pillugit aalajangersaasoqarpoq, tamatumunnga ilanngullugit:

- 1) nappaatinik ulorianartutut nalinginnaasumik isigineqartunik aamma nappaatinik tuniluuttunik allanik, nappaatit tunillaassortut akiorniarlugit iliuutsit pillugit Inatsisartut peqqussutaanni allattorsimaffik A-mi aamma allattorsimaffik B-mi ilaatinneqartunik siaruartoqarnissaata pinngitsoortinnissaa aamma
- 2) nappaatinik tuniluuttunik allanik siaruaattoqarnissaata killilerneqarnissaa

§ 2. Nalunaarut manna meeqqanut inuusuttunullu ulluunerani paaqqinnittarfinnut, atuareernerup kingorna ornittakkanut, sunngiffimmi sammisassaqaartitsivinnut, sunngiffimmi ornittakkanut, atuarfinnut pisortanit aamma namminersortunit pigineqartunut, matumani ilinniarnertuunngorniarninnut inuusuttunullu ilinniarninnut allanut atuuppoq. Nalunaarut ulluunerani neqeroorutinit allanut aamma atuuppoq.

Nappaatinik tuniluuttoqartillugu nalinginnaasumik ileqqorisassatut malittarisassat

§ 3. Meeqqat, inuusuttut sulisullu tuniluuttumik nappaateqartut paaqqinnittarfinnut atuarfinnullu tuniluuffusinnaasunut iseqqusaanngillat.

Imm. 2. Paaqqinnittarfinmiinnermi imaluunniit atuarfinmiinnermi meeraq nappaammik tuniluuttumik takussutissaqalerpat, angerlartinneqarnissaa isumaginiarlugu angerlarsimaffik nalunaarfigineqassaaq, pisariaqarpallu meeqqap angerlartinneqarnissaata tungaanut meeqqanut allanut qanillattortinneqarnaveersaassaaq.

Imm. 3. Meeqqat, inuusuttut imaluunniit sulisut akornanni imaluunniit taakku illoqataasa akornanni § 1-imi nappaatinik pineqartunik tunillatsittoqarsimappat imaluunniit tunillatsittoqarsimasoq ilimagineqarpat, pineqartut paaqqinnittarfinnut imaluunniit atuarfinnut qaqugukkut isersinnaanersut nalornissutigineqarpat Nunatta Nakorsaaneqarfia aalajangiissaaq.

§ 4. Naalakkersuisut paaqqinnittarfinnik aamma atuarfinnik tamakkiisumik imaluunniit ilaannakortumik matusinissaq aalajangersinnaavaat. Matoqqasitsinerup nalaani Naalakkersuisut tunillaasinnaanermut aarlerinassutsimut aaqqiissutaasussatut peqqussutaat sulissutigineqassapput. Ammaaqqinneq Naalakkersuisut akuersinerisigut taamaallaat pisinnaavoq.

Imm. 2. Pisuni imm. 1-imi ilaatinneqartuni piumasaqaatit Naalakkersuisut aalajangersagaat naapertorlugit, ajornartoornermi meeqqat inuusuttullu paaqqutarineqarnissaannut kommunalbestyrelse aaqqiissuteqarnissamut pisussaafflerneqassaaq.

Imm. 3. nappaatinik tuniluuttoqarnerani paaqqinnittarfinni § 2-mi allaaserineqartuni meeqqanik nutaanik tiguisoqarsinnaanngitsoq Naalakkersuisut aalajangiisinaapput.

Nalunaaruteqarnissaq ilisimatitsinissarluk

§ 5. Nappaatinik § 1, nr. 1-imi pineqartunik tunillaassuuttoqarnerani pasitsaassaqqartoqarneraniluunniit nalunaaruteqarnissamik ilisimatitsinissarluk pillugit uani §§ 6 - 9-mi aalajangersakkatut allassimasut atuupput.

§ 6. Meeqqani sulisunilu nappaatinik taamaattunik napparsimasoqalernerit tamaasa nakorsap suliaqartup Nunatta Nakorsaaneqarfia sapinngisamik piaarnerpaamik ilisimatissavaa. Nappaatinik nappaatit tunillaassortut akiorniarlugit iliuutsit pillugit Inatsisartut peqqussutaanni allattorsimaffik A-mi ilaasunik, inoqutigiinni napparsimasoqarpat, aamma tamanna ilisimatitsissutigineqassaaq.

§ 7. § 6 naapertorlugu nappaatit nalunaarutigineqartut pillugit Nunatta Nakorsaaneqarfiata paaqqinnittarfinni imaluunniit atuarfinni aqutsisoq aamma kommunalbestyrelse sapinngisamik piaarnerpaamik ilisimatitsissavai.

Imm. 2. Nunatta Nakorsaaneqarfia inuit kikkut paasissutissinneqarnissaannik kiisalu paasissutissiinerup qanoq imaqqarnissaanik aalajangiissaaq.

§ 8. Paaqqinnittarfiup imaluunniit atuarfiup pisortaata § 7, imm. 2-mi paasissutissiineq pineqartoq meeqqat aamma sulisut angerlarsimaffinut ingerlateqqissavaa.

Imm. 2. Paaqqinnittarfinni atasuni paaqqinnittarfinni napparsimasoqarfiusumi pisortaqq paaqqinnittarfinnut atasunut pisortanut allanuttaaq ilisimatitsissaaq.

Ilitersuut

§ 9. Nunatta Nakorsaaneqarfia nalunaarummut matumunnga atatillugu meeqqat aamma inuusuttut atuarfini aamma ulluunerani paaqqinnittarfinni nappaatit tuniluuttut pinaveersaartinnissai pillugit maleruagassat pillugit ilitersuissaaq.

Atuutilerfia

§ 10. Nalunaarut 18. marsi 2020-mi atuutilissaaq.

Namminersorlutik Oqartussat, ulloq 17. marsi 2020

Martha Abelsen

/

Tine Pars

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut